

## KONTROL MOZIOA

### **Altzako Ermita bideak pairatzen duen utzikeriari buruzkoa,**

Zigor Etxeburua Urbizuk, EH Bildu udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2020ko urtarrilaren 22an Gune Publikoen Batzordean aztertutako interpelazioaren ondorioa da.

## JUSTIFIKAZIOA

Altzako Ermita bidea pasabide garrantzitsua da Herrera edota Erroteta auzoetara doazen herritarrentzat. Bi auzune horietan azpiegitura eta zerbitzu garrantzitsuak daudenez (anbulatorioa, saltegiak, garraio zerbitzuak, ikastetxeak...), lotura eginkizun funtsezkoa du Ermita bideak. Horregatik, hain zuzen ere, pasabide jendetsua da. Era berean, nabarmentzekoa da oso maldatsua dela, oinezkoentzat dela bakarrik, eta etxeen eta Harrobi auzora ematen duen amildegiaeren artean dagoela.

Hori horrela izanik, pentsatzekoa da bide honek Udalaren arreta eta zaintza izango dituela, baina ez da horrela. Batetik, aspaldikoa da auzotarren kexa, aldaparen amaiera (jaisteko norantzan) oso irristakorra delako. Garaian, eskudel bat jarri zen, amildegiaeren alboan, irristadak saihesteko. Edonola, horrek ez du egoera guztiz zuzendu, eta asko dira geroztik erori diren pertsonak.

Bestetik, toki iluna da, landareak hazita daudelako eta, batez ere, udal argiteria urria eta argitasun gutxikoa delako. Areago, kexu ugari jaso ditu Udal Gobernuak sarritan itzaltzen direlako aldapako argiak. Horrekin batera, etxarteetan ere udal argiteria sarea oso utzita dago, eta kexuak jaso dira oraindik egurrezkoak dituzten zutoinak okertuta daudelako. Egoera horretan egonik farolak, ilunago egiten dituzte berez toki ilunak direnak. Gogoratu behar da eremu hau guztia puntu kritikotzat hartua dela emakumeen segurtasunerako.

Horiekin batera, gogoratzekoa da azken urteotan Ermita bidean gora eta behera dabiltzala motordun ibilgailuak, inork galarazi gabe eta batere kontrolik gabe, oinezkoentzat bakarrik den arren. Nabarmendu behar da egoera hau Udalak berak eragin duela, motordun ibilgailuei bidea oztopatzen zien ataka kendu baitzuen. Auzotarrak sarri kexatu dira, baina Udal Gobernuak arrazoia dutela erantzuteaz beste ez du ezer egin.

Azkenik, azpimarratzekoa ere bada zikinkeria pilatzen dela (zakurren gorotzak, paperak eta bilgarriak, zabor poltsak...) eta auzotarrak kexu direla garbitasun falta horregatik. Inguruan ez bada arratoi gehiago ikusten bertan bizi diren katuek lana gogotik egiten dutelako da, eta ez Udalak bere egitekoa ganoraz egiten duelako.

Horiek horrela izanik ere, Udal Gobernuak batzordean azaldutakoaren arabera, egoera ez omen da

**EH Bildu talde politikoa**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

hain “katastrofikoa”. Baieztapen hori arrazoitzeko argudioak, ordea, ziurtasunetan oinarritu gabe eman zituen zinegotzi ordezkariak. Horrela, aipatu zuen “litekeena dela” gertatu diren gorabeherak gertatu izana Jolastokietako hirigintza egitasmoaren eraginez (azken hiru urteotan ari dira lanean).

Bestalde, oinezkoentzat soilik den pasabidetik motoak gora eta behera ibiltzeak oinezkoei eragin dien segurtasun ezari buruz, aipatu zuen motordun ibilgailuentzako atakarik gabe utzi dela oinezkoen aldapa larrialdiko irteera gisa baliatzeko. Sarkasmoz ariko bagina, pentsatuko genuke erabaki hori hartu dela motoek eragin ditzaketen zaurituak azkarrago ebakutzeko. Argitasun faltak emakumeengan eragindako segurtasun eza dela eta, zinegotziak zalantzan jarri zuen hori horrela denik. Udaleko Berdintasuneko sailak Puntu kritikotzat izendatuta izateari buruz, ordea, ez zuen deus adierazi.

Garbitasun ezari buruz adierazi zuen astean bitan pasatzen dela erratza. Arratoiak ugaritu izanari buruz, ordea, ez zuen ezer adierazi.

Azkenik, zoru irristakorraren inguruan, erantzun zuen garbitzen dela goroldioa, tarteka. Irriatzen arazoa maldaren amaieran dago, ordea, eremu eguzkitsuan, eta arazoa eragiten duena zati maldatsua izatea da. Hor gertatzen dira erorketak, baina horri buruz ez zuen deus adierazi.

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

**KONTROL MOZIOA:**

- 1.- Donostiako Udaltzako hertsatuki eskatzen dio Udal Gobernuari Altxako Ermita bidearen hornikuntza, hobekuntza eta artapena indartzeko, oinezkoen asebetetzea eta segurtasuna ziurtatzeko helburuz.
- 2.- Donostiako Udaltzako hertsatuki eskatzen dio Udal Gobernuari bilera egin dezala Ermita bidearen inguruan bizi diren auzotarrekin eta pasabidea erabiltzen duten pertsonekin, inguru horrek guztiak beharko lituzkeen hobekuntzen inguruan galdetzeko.

Donostian, 2020ko urtarrilaren 24an



Zigor Etxeburua Urbizu  
EH Bildu udal taldeko zinegotzia